

胡氏宗譜

卷二
秋字號





叔高祖心菴公傳

公諱采字翁公號心庵振祖公之長子也幼而
智慧超凡遵庭訓熟習易經工於帖括下筆立
就蜚聲膠序早食廩膳其材可付大任黼黻皇
猷乃不願仕進藏修一室惟本是敦因念我安
定自先世遷桐定籍原有宗譜自鳴我公繼有
續脩佑啟後人乃流賊擾亂之餘不無殘闕公
實憂之於是默察前踪確諮宗老溯本源明昭



伯曾祖北溪公傳

家乘之作以收族也溯根源於始祖而萬世不
祧者尊之也分其支派詳其生卒里居葬所以
續誌不忘者親之也至族之中有功可紀有爵
可著有德行可稱者例必大書特書爲之傳以
錄其實所以垂坊表於無窮而寓賢賢之義也
若吾叔曾祖豈特爵之可著哉公諱元朗字北
溪號寄軒學問淵深文章俊逸筆花璀璨香飄

古詩集卷一
字裏行間墨水參差浪湧江葩蜀藻昔人擬之
馬遷作史之英鹿洞傳經之彥不過是矣是以
蜚聲黌宮早食廩餼雍正戊申年拔貢伏遇

憲皇帝欽點大臣召試太和殿選取以州縣試用癸

丑四月奉

旨勅授文林郎山西大同府天鎮縣知縣風移俗易
家多賣劍之牛政簡刑清室少穿墉之鼠邑之
人方望公位冠百僚錫

恩愈大乃乾隆己未伯高祖母吳孺人仙逝公丁
憂回籍抱恨終天服闋不仕公不誠孝矣哉夫
孝行於家則忠必盡於國忠孝既盡其他概可
知矣今當家乘告竣爰濡墨書之猶將彷彿高
風而想見其爲人

姪曾孫方曙謹撰

風而賦其其益人太和幾

映笑令當家乘吉茲多歡墨書之辭

忠孝均盡其出

辭賦則絲天

恩愈大氏



巢雲館詩稿序

巢雲館詩稿序

巢雲館詩稿序

古之人本于彝倫關于風化性情韞菴于中而不能已于是乎宣之于言發而爲詩故詩也者非吟風弄月之技也以吟風弄月言詩則詩道小矣吾友胡君孟升不慕榮利環堵蕭然有以自樂望而知爲安貧守道之君子也暇日有所感觸發爲詩歌自爲怡悅而已并不求人知也歲久詩稿盈笥諸同人恐其久而散失也勸其

綜理篇付刊其十之一二郵寄好友之宦游四方者胡君曰余之長篇短句既非有杜子美忠君愛國之詞又非有白香山關繫風化之語但自抒已見恐無當于風人之旨也而諸同人勸之益力胡君不能辭因求序於詩人方天民叟匕許之而序未就復將詩稿屬選於余弟叔固益求序之適叔固病篤不果爲序臨終前貳日向余嗚咽言身後事猶以序文未成爲憾今胡

君轉乞序于余余辭之再三而胡君曰吾之詩
不求人知也子但以吾不求人知之意叙之簡
端則吾願足矣且君家亡弟之志也余遂援筆
而書之

嘉慶十年十二月

弟左眉拜撰



嘉興十季十二日

而壽文

敬服吾國及身且其家之其文志也余海內外

不來人映世于世以吾不來人映之者其其其

長與公同中人余余翰之再三而賦意自其之其

大外祖鳳來公傳


夫人之待教而成者中材也待教而不能成者
下愚也不待教而成者上知也天下之中材者
多下愚者亦多至上知則不數數覲矣而吾於
外祖鳳來公遇之焉公在廷公之孫先長公之
子也先長公卒於康熙四十九年四月五日享
年二十有三公是年八月始生其不幸爲何如
耶又安望其有成耶乃生而英異好詩書能文

章屢赴龍門鬱鬱不得志里黨咸稱其學道其
才而悲其遇緣棄舉業習岐黃精地理爲先人
謀窀穸爲斯世救災危者姑置弗論獨憶其保
祖一事夫人假公濟私者有之未有以私濟公
者公之曾祖儀公葬於長嶺公因無地以私山
易葬卽今所謂龜形也然則公之孝友何如其
自立又何如哉至德配董孺人淑慎溫柔能明
大義公謝世孺人悽愴迫切誓以身殉旣念弱

皇清子無撫勉收血淚秉家政數十年拮据勤勞不
遑朝夕嚴慈益用有古賢母風孺人生三子七
孫悉克紹公之志曾孫九樸者耕秀者讀而號
桂蓀名月者尤可嘉焉道光乙未余延至家誨
子孫輩課餘之暇瀟心積學篝燈達旦余嘗語
人曰此子非久于池中者今竟困童子場中嗟
夫豈余言之妄耶抑士之有幸有不幸固如是
耶然而以余外祖之德固有發名成業光大門

聞者吾其於月卜之也而又何疑焉

愚外孫張觀成拜撰



夫曰此子非八千出中者今責困童子與中製
字不輩焉籍之辨斷心辭學餘幾盡且余嘗語
卦終各民皆武可嘉焉豈非之末余披至家滿
將悉吏臨公之志會將火對香抹衣皆顛而顛
豈腹少謂慈益用有古賀母風靜人坐三千出
于無辨顧也血氣乘寒如燒十平卦卦離陰陽不

皇清例封奉直大夫顯考杏莊府君行述

府君諱自芳字止池號杏莊世居桐城耕讀爲
業府君之曾祖諱楷居鄉以忠厚稱祖諱式虞
捐納州同知未仕考諱祚寅太學生妣孫氏庠
生諱曰由女雍正乙卯舉人江蘓寶山縣知縣
諱循徽妹府君先大父第三子也先高祖時家
稍裕及歿先曾祖以巳年長悉所分遺產予先
叔曾祖諱大有俾讀書卒業得入邑庠曾祖歿

先大父膺太舅聘之江蘇遇疾而歸卒於旅次
府君年十一哀毀過於成人越二年先伯諱昱
又歿府君貧不能就傅又以仲教讀修脯不足
養先大母年十七徙步出遊往來江浙淮淝間
間以歲時歸省六安徐丈大用任懷遠千總與
府君善知府君兼精岐黃之術謂曰君奔走四
方將十年矣因人成事非長策也不如僑居是
鄉以醫爲業府君從之凡延往視疾者必悉心

診治有難症則終夜焦思詳考古方以證得失
曰醫者得財以自養其生也而不惜人之死是
死人以自生也心何安乎於是富者取其貲貧
者輒往匕饋藥以所得歸寄爲養遂以爲常時
府君年逾四十未娶人多怪之府君曰吾幼旣
失怙稍長復漫遊今日廢學業醫凡爲養母計
也吾性故迂不能妄取若娶妻于外立門戶勢
必以妻孥故累吾菽水資是不可以姑已乎且

吾長兄早歿而次兄已授室生子足承宗祧矣
吾何汲上爲也迨聞先大母訃痛不欲生亟欲
奔喪伯父遺書曰喪具皆出自稱貸索者甚急
有餘金則歸否則無歸也府君乃畱懷遠益自
刻勵饘粥外不自奉一錢數年盡償所負然終
以爲恨居常戚上伯父又以本支人丁寡弱遺
書勸府君娶會術者謂府君晚年當得二子俱
貴府君曰吾讀書未卒業不能得一第以顯吾

親此終身之憾若有子而貴褻及先世乃大願也外祖河南夏邑太學生許諱明遠亦客懷遠奇府君之爲人因娶焉吾母以己酉八月歸府君明年庚戌不孝方朔生府君年五十有一矣謂吾母曰吾冀有子者欲其讀書成名酬吾未遂之願也有子而不能讀書不如無有也方朔生五齡授詩經數月而畢又授書經明年又畢執友以爲穎異府君亦樂之復喟然曰吾老矣

焉知見此子成立否也又明年爲嘉慶元年川
楚教匪滋事大吏出示曉諭凡親棺未葬而無
力買山者悉令傍祖墳安葬族人不得禁先曾
祖父母大父母皆未葬伯叔兄弟又貧不能自
完無以營兆而府君客懷遠已三十年慨然思
歸橐中稍有蓄金有貸而不能盡償者取其半
以券與之尤貧者卽焚其券遂挈眷歸是秋葬
先曾祖父母大父母皆獨仍之叔祖未葬並葬

之伯叔兄弟亦稍亡周給之府君以金將盡益

務儉約而命方朔目就外傳家無僮僕往返必

躬率之猶憶府君率方朔至塾時日始出師未

至回塾諸童子戲堦下見府君至各奔就坐府

君亦坐待師至始歸諸童子父兄聞府君之能

兼督亦各稱幸六七月間日未下春諸童子家

率饋食府君則自袖餅餌詣塾啖方朔或藏粉

羹汁淋漓襟上今其衫猶在笥也夜則府君課

讀母績於旁漏下四刻乃止嘗與母食菜羹而

食方朔以肉方朔勸之食必呵斥之曰是爲孝

耶女能讀書吾食菜亦自甘耳其愛養之篤如

此然稍嬉戲或書有遺忘輒鞭笞交下淚亦俱

下壬戌不孝方穀生癸亥方朔入郡學府君色

稍喜戊辰食廩餼凡三應江南試不售府君益

勵之府君前在懷遠買婢王氏嘗保抱方朔者

也願從府君歸遂納爲妾生女一至是爲之曰

女年三十未生男吾七十矣又貧非所以爲女
終身計也女固勤儉能安貧無他志吾必欲令
女得所耳卒嫁之後數年而歿府君以家道益
困命方朔以課徒爲生而自課方穀己巳爲方

朔授室葉氏庚午方朔舉於鄉府君乃大喜且

泣曰吾教女良苦今乃酬吾願可告先人矣明

年辛未方朔成進士改翰林院庶吉士府君益

喜六月方朔生子太英府君又喜十月方朔乞

假歸省府君喜見於色健如故而體氣益充壬

申九月命方朔入京供職十月方朔生子士英

府君寄書諭曰女惟自愛吾日課女弟含飴弄

兩孫耳甲戌散館方朔改刑部主事府君以家

本寒峻得六品官幸矣不以失翰林為歉也方

朔思迎養府君以年老艱於遠出六月長孫大

英殤府君悲甚邑中又大饑乙亥乃偕母氏挈

眷來京不孝方朔見府君容色視曩時較減而

飲食步履如舊同人皆奉觴爲壽謂可以得期

願也府君仍朝夕課

方穀讀而諭方朔

曰刑官

至重女慎爲之吾能安貧勿以秩薄爲念寓中

雖鷄鶩未嘗特殺無鉅細府君皆躬理之明年

萬壽夏忽患暴泄症噤口不能言甚殆醫皆以爲受

暑宜服涼劑家昭惠來應京兆試素多才兼精

於醫視之曰亟宜服附子理中湯服之而愈又

調攝久之九月

方朔

考取軍機章京

記名十二月方朔生子士熊府君喜飲食漸有

加不孝等私心竊幸擬俟己卯為府君慶八十

壽得逢

萬壽覃恩即奉府君旋里丁丑九月府君復覺胸滿

腹痛時發時止十無月方朔生子士鳳府君見

有三孫又喜而飲食轉少氣力益衰自冬及春

不孝等日侍湯藥苓朮既無效參桂又不可得

吞聲飲泣不知所為府君召方朔諭曰吾病深

矣自知不久吾年逾五十始有子得見成立幸
矣死復何憾惟女弟未成人吾憂之女善事母
教弟如吾教女乃所以慰我也又諭方穀曰女
善愛母及兄教他日能有成吾當含笑九原矣
不孝等泣受命猶冀入夏陽氣盛當可見愈詎
意四月二十五日忽覺喉痛舌強府君欲有言
已不能明晰二十八日痰盛二十九日竟棄不
孝等而長逝矣嗚呼痛哉不孝等呼天莫應捨

地無從苦塊餘生勉視含斂追維府君持已以
正治家以嚴待人以誠處事以信言笑無苟坐
立必莊天性然也性無他好惟好讀書至老不
倦嘗手錄諸經校正奇字以自怡悅見人有一
善或子弟能讀書者必稱慕以告不孝等愧勵
之見不善徃徃面折之知與不知皆稱其直然
自少時每爲懷私者所嫉而所遇又多不偶以
致心力交瘁終膺痼疾嗚呼痛哉且以不孝方朔

至愚極陋而早得科第人皆謂天所以報府君

也然而無儋石之儲又靳府君以期頤之壽使

不孝等生無以爲養死無以爲禮悠七蒼天豈

府君積德有年澤及不孝而不孝等罪惡難追

遂殃及府君耶不孝等報恩無由欲述懿行又

多掛漏尙何以爲人也府君生子二女一長子

不孝方朔娶葉氏太學生諱環女次子不孝方

穀聘徐氏仁和縣辛未進士現任工部主事名

寶森女女待聘孫四 不孝方朔 出長 大英 聘江

氏候選州同知名世蕙女 大英 殤次 士煥 聘盧

氏無為州現任山東高苑縣知縣 名鳳 琴女次

士熊次 士鳳 俱幼 不孝 等苦次昏迷語無倫次

伏惟

大人先生俯賜采擇錫以誅銘傳誌用煥家乘而

光泉壤則 不孝 世世孫孫感且不朽謹述

不孝孤子方 黝 泣血稽顙

賜進士出身

誥授光祿大夫經筵日講起居注官太子太保體

仁閣大學士管理工部事務翰林院掌院學士

會典館正總裁加三級通家弟曹振鏞頓首拜

填諱



氏無為州現任山東高苑縣知縣
其勤公 俱幼 等皆次昏逆 無倫次

會典諭五縣 隸瓜三縣 區家 孫曹 遊 餘 勳 首 共

六才閣大學士 管監工 濟寧 孫 林 劉 掌 劉 學 士

請對 次 縣 大夫 孫 發 日 籍 跋 孫 出 官 太 子 大 尉 謝

顯 孫 士 出 良 不 幸 孫 子 方 綱 泣 血 稽 顙

文維新先生傳

昔馬遷之作傳也不乏可傳之人必其人有可
傳者而後傳之夫古人可傳晚近之人如之晚
近之人亦古人矣安知古人可傳晚近之人卽
不可傳乎胡文公維新世所稱人傑也其懿行
梗概殆近古人所謂晚近可傳者矣其先世道
德功名不可勝述第就公生平之大者畧道之
公生長布衣恂七古樸而世之是非曲直悉決

於公之一言兼支戶事數十年大綱小紀莫不
秩然時當錯綜條理應之事值艱鉅從容處之
且各處祖山蔭樹界趾外人侵佔益族丁拚伐
公獨挺身訴於公廷而祖塋藉以得保時畱心
修譜之舉特邇時其族之曉東先生在廣東太
守亦有是志公是以俟之無何公謝世曉東先
生亦謝世而譜終未成今令郎雲桂繼公督理
戶事續公之志爲修譜之舉時令侄孫桂蓀先

生爲予西席嘗至予家道公之爲人行事如此
噫殆所謂晚近古人而可傳者乎余故樂道其
實而爲之傳

世愚姪邑庠生江紹宗拜撰

公獨挺身請於公廷而祖堂藉以得保時萬心
 修諸之舉特世遇致昌率由王臨宗我期天
 實而欲之歡公是以侯之無何公謝世曉東旋
 忽欲視詣細述古人而可尊昔乎余姑樂首其
 主為身西氣管至平寒歡公之孫人許事取此



岳翁字湘紘安定之忠厚長者也少聰穎家貧

讀書未成棄而就藝孝事雙親人無閒言性硬
直臨財不苟臨事敢爲老誠儉樸拮据成家稍
置薄產以自給居家節省待客豐盈遇事多吃
虧曾不與人校敬事尊長友愛兄弟族戚朋友
求助者措與之不吝小心謹慎一生毫無過失
以故人無非議之者而其家之興也尤懶賢岳

母佐理之岳母係出延陵望族吳餘濟公之室
女潮青公之胞姊也賦性溫恭持躬淑慎于歸
岳父親操井臼日勤女紅寡言笑足跡不出戶
庭孝翁姑和妯娌藜藿自甘處困苦之境無怨
言奢侈自戒當寬裕之時無驕色心最慈善有
乞者必與之每勸岳父多行善事遇事之有難
處者暗中竭力維持之岳父得爲完人岳母之
力居多生女一字圭爲室圭之招贅也岳父母

鍾愛之圭沐其恩德莫可言喻子一字价人撫
育竭盡心力聘姑丈江凱泉次女爲媳完姻後
岳父謝世价人承父業夫婦事岳母甚孝江氏
舅嫂生一女適張又周生二子長彥邦次彥卿
岳母均覩其成立堪爲克家之令子岳母年八
十有六猶康健起居自如壽終於道光辛丑三
月可見天之報施善人不爽也圭於岳父母事
知之甚悉茲當譜牒告成之際約畧言之以爲

後世子孫範

道光二十六年歲次丙午蒲月

子壻王圭頓首拜撰

母氏其立其...

良數坐...

母父...

育...

...



培之親翁傳

從來英俊之士代不乏人有德之人不少概見
其人之生平無可稱道者不足論若其人爲一
鄉之善士素以仁恕爲懷樂善不倦其居心行
事足法於當時可傳於後世俾淹沒而不彰不
但爲其人惜爲其族惜爲其親戚朋友惜且益
爲其鄰里鄉黨所共惜而其人之後世子孫不
知乃祖之德業而則效之貽謀荒墜垂裕無憑

福善之天道無以徵驗於天下更爲可惜維畧
叙其生平載在家乘閱者知爲某某之善行其
人雖歿而猶存吾何言之吾爲親翁而有是言
也親翁諱策字培之安定郡之英俊有德之士
又爲吾之舅兄幼侍慕韓二伯岳丈讀書伯岳
丈爲當世君子儒教育生徒嚴而善誘僅生親
翁一子倍加督責戒視聽言動之非禮親翁恪
守嚴訓毫不妄爲隨父幕遊河南抵京都館班

辦事多年得議序從九職娶桐邑之寄居京師
方遵軾遵轍之胞妹夫婦同至泰興四叔岳捕
廳署中佐理公務大振官聲因伯岳回桐多年
夫婦偕歸奉養不幸方孺人弱疾謝世無出親
翁豫居數載幕遊四方後歸復娶吳介福公之
姪女生子彥如越數載吳孺人又亡親翁以彥
如寄養于胞姊適方達夫處而自往浙江依太
守徐詠之表兄薦辨鹽務造戶多被其澤勸詠

之表兄捐貲出示掩埋而自督率歸土者數千
棺後以小東舅兄榮任廣東太守又往廣州署
中佐理雜務勸行善政居多小東舅兄謝世親
翁自粵歸因吾女許字彥如爲之完媼嗣後可
以頤養以樂天年何竟道光乙未七月壽終親
翁氣軒昂性和藹重交遊善接納人咸羨其美
鬻焉居心正直常存惻隱貧者憐之饑者食之
寒者衣之初無德色强者抑之弱者扶之見人

有過規勸之見人有急周濟之遇忠厚者敬之
遇奸狡者拒之遇構訟者多方息之遇疾病者
捨藥療之不談人短不恃己長福田之廣信有
徵矣親翁之行事堅真毫無虛假力不能爲者
勉力强爲之不憚勤勞不避艱險告以禍患事
良策以杜之告以爲難事深謀以應之告以種
德事欣然樂從之是非將起者先事滅其跡已
聘未婚者奔走助其成凡族戚朋友之事毅然

以身任之慮譜未續修而理成清稿憂窮丁之
無葬而勸構義山至於睦宗族和鄉隣愛兄弟
信朋友又其餘事矣德厚者光自流彥如能繼
父志生三子恩洋恩沛可續書香異日必光大
門閭未始非親翁之德基之也不可惜而可欣
吾不揣鄙陋而欣然約畧筆之以傳
道光二十六年歲次丙午仲夏月

姻愚弟王圭頓首拜撰

齋培之公傳也夫八文立齋於其齋而人欲其
公吾族之立德者也秉正直性存心寬厚幼習
舉業研窮百子之書濶窺二酉之卷下董生帷
者蓋有年矣乃躡足龍門不得志於有司遂由
禮部則例館議叙未入仕途冷落有志未伸此
固人世所同慨也而公究不以爲失意於是縱
心逸志嘯傲於林泉之間游歷於江湖之主時
與二三知己把酒臨風其喜洋洋有富貴浮雲

之概是以年彌高德彌邵督理戶事修祖塋蓄
蔭樹廣山境清界址置祭田凡有益於祖宗者
莫不盡心竭力以圖之而於宗譜續修之舉尤
加謹焉子姓蕃衍如雲倘任其世歲久湮人烟
星散必致道塗相遇而不識也公是以憂之爰
逐戶稽查詳生卒誌塋墓紀婚配親爲纂訂將
付剞劂而公謝世嗚呼豈非天耶雖然此特其
德之顯見者也夫入之立德行其德而人知其

德其德高行其德而人不知其德其德彌高公
家雖貧遇人有疾病則舍藥以救之路有枯骸
則解囊以掩之困乏者則周濟之必殷孤寡者
則葶養之必切是皆公之隱行其德而畏人知
者也語云積德者必昌公生一子字彥如其行
事爲人亦效乎公二孫長恩洋次恩沛俱頭角
崢嶸天資聰穎讀書日數行下異日發名成業
光大門閥固有不卜而知者此固天所以報公

之德而實公之德有以見信於天也故原其事

以相贈而為之頌其德於弗置云



事其人亦效乎公之德是恩第方曙

皆出諸文獻辨春必昌公主其世海同譔

頌整養文必世長世公之德於其辭而受人映

頌報養以蘇文困否皆頌國醫之必如麻真春

案報貧賤人育燕燕頌舍藥以蘇文烈其辭

蘇其辭高谷其蘇而人不映其辭其辭爾高公

廣東太守叔祖曉東公傳

公諱方朔字漢臣號曉東一號果齋

叔曾祖

杏莊公之長子也先

月數十年而生月又分居

後輩安敢爲公傳然當家乘告竣使公之德淹

皇土沒不彰則於心終有不安者公生而英異三齡

卽能誦詩十四入郡庠十八補廩膳生每軾輒

優取一時名流奉爲祭酒執經問難者通籍居

多二十一舉鄉薦旋登進士入翰林捷音到日

里中不相識者亦鼓掌稱快謂世德必昌文章
有價也由是出入朝端黼黻隆平大臣竒其才
多倚重之厥後出守高州旋授廣州蒙
皇上加級賜贈隆恩公惶恐不安清心介節黽勉勤
勞猶慚報績立教以身爲範宗祖敬宗其大要
也生平繫念惟先入坵壠宗祠譜牒刻不能忘
防護纂輯之思有出古孝子意慮外者匪獨膝
下瞻依先意承志已也至其慎幽獨崇大體屏

阿私厚推解翼賢良親閭黨睦族戚賑貧寒濟
孤寡凡德盛禮恭尙有詳述不盡者而於月尤
加意焉月生本寒素負性蠢頑先君子欲以事
詩書公每年助其膏火郵寄文章必親爲改削
益作札以勗之情詞愷切今取讀之猶悵然於
山高而水長也公爲一代才人其文章政績至
今粵人猶歌之至三百遺音可接制藝以韓柳
之筆發朱陳之理果齋詩鈔及知足知止齋律

賦試帖詩鈔俱刊刻行世凡習舉業者莫不奉

為正宗呼公其傳矣公生於乾隆五十五年庚

戌十二月初七日申時卒於道光十三年癸巳

八月十二日寅時享年四十有四

精書公其子與其曾火唯姪孫月稽首謹撰

賦意焉民主本寒素其抄書題次其子於以事

無衰以勤益甄恭尚休精並不盡香而然則水

同殊具辨強翼賀其膝間黨想越越頹食寒熱

叔祖旭初傳

丙午春予應家人命修理家乘清稿有客來問予曰子之所鈔者何書也予曰譜稿也客遂閱之閱畢瞿然曰子望族也今之倡議修譜斯舉者何人予曰叔祖旭初客曰夫夫也雖行事未獲深悉而卽此一端亦可想見其爲人夫古之道尊祖莫如敬宗敬宗莫如收族三善備而一本敦大都不外譜而已特世人多無遠見徃徃

置之弗問以故丁日繁勢日渙近愈密遠愈疏
服窮親盡之後遇塗而不相識者有之患難而
不相顧者有之今閱子之譜派別支分源源本
本尊卑長幼之序畢具是收族之誼美卽尊祖
敬宗之道明一舉而三善備非善繼善述者而
能之乎客去余唯以爰揮墨而爲之傳

丙午春予親宗人命於世宗乘姪孫月謹撰

妹脈賦

南浦府君行畧
痛泣府君生平德業兒猶在心提撕警覺兒難
再聆嗚呼痛哉涕淚如雨爰揮淚而述其大畧
焉 府君諱世惠字萬青號南浦乾隆四十餘
年隨我 祖父泰嶽公我 祖母藥孺人由將
軍坳老屋遷寺庄溝土名鹿耳城是時府君年
未十齡就塾讀書共硯無有及其敏者緣家道
艱窘不得已而就農桑究以未讀書爲恨嘉慶

戊午祖父見背道光乙酉祖母復見背而府君
盡哀盡禮鄰里咸以爲知孝道焉旋爲祖父母
卜地俱葬於祖山枯井頭而府君之心以慰猶
憶府君之誨兒也曰予一生庸碌未能有成汝
負性非蠢尙須讀書以慰我生平之志於是命
負笈從師雖家境愈覺艱難束修餽贈毫無吝
色而我昔母李孺人復紡績以助每見兒能爲
文竊心焉喜之怠惰則懲責之奮發則勸勉之

嗚呼府君之期兒大矣而不肖年逾三十尙未
能副其望罪可逭耶方期得永天年報烏私於
萬一無何染疾三日竟無言而道然長逝嗚呼
傷何如也府君生於乾隆三十九年甲午九月
初三日亥時卒於道光十八年戊戌八月初六
日丑時一抔之安尙未遑卜兒之心能安然乎

孤子月謹識

胡氏宗譜

卷二

此種... 未... 小...



三日... 年... 月...

... 年... 月...

... 年... 月...

... 年... 月...

... 年... 月...

平雲桂親家傳

大凡人有善行不能光於國史亦當炳於家乘
以垂示子孫 親家諱世海號雲桂幼習詩書
穎悟過人有青錢萬選之技後 太親翁維新
公謝世親家棄舉業操家政慕端木之風爲貨
殖之計兼支戶事凡大綱小紀公以一身任之
無不秩然蓋慷慨正直之風足化一家之仁讓
也固已久矣今倡議鳩族纂修家譜其光前裕

後爲何如者夫世人多無遠見經營一身已耳
不知此身以上有祖宗焉此身以下有子孫焉
爲此身負荷者不少愚者暗於大義富者吝於
財物貧者阻於時事懦者怯於艱辛親家獨不
辭勞瘁以襄盛舉是其所爲皆祖宗子孫千百
年之計豈若常人爲一身之謀也哉至若平日
處家庭交鄉里排難解紛直言無隱足表其生
平者筆難罄矣特就其大者而書之

出

道光二十六年歲次丙午仲夏

姻愚弟邑庠生黃培文拜撰



卷之二十六 平 數 大 丙 子 中 夏

...



雲桂叔傳

天下之人不一而其業亦殊故爲士爲農爲工
爲商要以士居首誠以士負繼往開來之任而
肩斯道之傳者也然吾竊見世有冠儒冠服儒
服問其名則士核其行則迥不肖乎士而反出
乎農與工商之下者比也抑有冠非儒冠服非
儒服問其名則非農非工而爲商核其行則超
然不囿於商而高出於士之上如吾妹叔者叔

其可風乎哉而叔諱世海號雲桂
叔祖維新

公之二子也少事詩書穎悟非常挾凌雲氣後

叔祖謝世緣家道拮据棄舉業精貨殖游歷江

湖每過名山佳水輒賦詩見志與賢士大夫交

邇者年逾五旬置田數頃課二子耕兼支戶事

而合族之是非曲直悉決於叔之一言吾不知

果何以見重於族人而族人敬服如是耶今倡

族爲修譜之舉昭穆序親疏別長幼分俾數百

年既明之世系統數十載蕃衍之子孫一旦犁
然皆叔之力也試問世之冒士名而能若是者
幾人哉古所謂魚鹽大隱殆其流亞與今當家
乘告竣爰跡其行事書之而爲吾族之爲士者
勸用以誌叔於不朽云

侄月敬撰

叔祖...也...
 譜用...
 乘吉...
 幾人...
 祭皆...
 兼...



日祥姪孫傳

蓋聞尊祖莫如敬宗敬宗莫如收族此譜之如
家也大矣而在續修之舉又豈可緩乎哉然吾
族子姓蕃衍如雲生齒墳墓益增居止遷移亦
復不少凡我族人每話及之深以爲憂恨予菲
材家口嗷乚待哺終日筆耕糊口不能克自分
身惟有旭初兄雲桂侄二人於修譜之舉竭力
盡心不辭勞瘁併有日祥姪孫尤加謹於族事

其人雖未習詩書頗知宗族之典此可謂待聘
孝住之賢嗣也聞幼年失怙家無半釐之資尙
可苦力爲人克遵母命其母汪氏係出名門秉
性淑慎日夜攻苦衣不解帶守志教子戚黨莫
不稱異之推孟母之風可想見矣惜壬午卒而
日祥兄弟和睦至今仍同居共爨家計稍裕前
甲辰冬間將父母棺合葬於北冲摩旗嶺十世
祖旁仁甫公墓右庶可以盡子職益出錢百餘

千文與公以湊修譜之費墳雖塋合戶以念其
孝心如是至若人處鄉黨隣里端然和順初無
忿疾之言短於財長於義耳族眾皆贊賞之吾
亦欣然以表彰之意云耳

叔祖方增撰



性淑慎日... 亦無然以... 恣燕女言... 幸心賦其... 于文與公...

旌表未婚守志貞女許氏節畧

貞女者桐城故儒童胡尙虞之聘娶也尙虞爲
贈文林郎胡樞第三子貞女爲尙虞王母貶贈
孺人許氏之從姪孫女贈孺人甘貧苦節垂四
十餘載雖未得旌於朝而宗族鄉黨高其志則
天地正氣之鍾於兩家者不自今始矣尙虞素
撓弱疾未婚而卒貞女年十九聞訃之日口不
言涕滂沱若霰背人號哭輟梳櫛絕飲食且坐

目却若欲尋死如是者三日其况以父母俱亡
故愛其妹至是更憐之私勸之不應於是親詣
胡門升堂望喪次大哭晝夜不絕聲勺水不入
口如是者又三日不死乃衣縞茹素禁步斗室
自晨昏定省翁姑外家人罕見顏色如是者且
數十年其兄伯今天鎮長北溪與余交最厚其
言之詳且悉如此余聞而嘆賞之遂以長女許
其嗣子祚蕃蓋卽北溪之三子也未幾殤而

試表

字其嗣子祚蕃蓋卽北溪之三子也未幾殤而

贈君篤岑先生又壽終矣貞女傷太孺人之孀
居晝侍飲食夜共卧榻暇則躬勤紡織以備甘
旨承太孺人色笑焉居無何貞女病且老矣尙
虞終不可以無後矣雍正十一年請命太孺人
以尙虞之次兄監生胡志虞次子祚履爲嗣祚
履讀書自立遂母志貞女至是受田成家義讓
其半以給生齒之繫者太孺人顧而樂之不復
知子死之痛也貞女周旋娣姒往來綢繆亦不

復如前此禁步之苦矣不數年貞女忽謂嗣子
祚履曰我將不久於人世矣昨夜夢中恍惚見
有二童女持轎來召我未亡人死復何憾獨恨
未及奉孀姑以終天年暨爲汝完其室家耳此
雍正十三年四月廿九日事也閱一日嘔血數
升精神頓疲至又四月初七月初更時異香滿
室族戚咸來問訊甚其之貞女一息奄奄至更
盡忽甦嗣是十餘日病若較減惟日飲水數次

卒之日異香如前呼嗣子迎太孺人至寢所握
其手依匕不舍端坐而逝貞女生於康熙二十
四年二月初九日寅時卒於雍正十三年又四
月二十日酉時年五十有一未婚守節三十有
三年貞女未歿之前一年闔邑之士民已上其
事於有司有司具狀於大憲至貞女歿後之二
年始得

詔旌其門與贈孺人殆先後流芳者歟或以節婦稱

或以貞女傳此如忠臣義士之仕不仕不同道
而其心之皎然與日月爭光則一也余傳貞女
之冰操因溯其淵源連理而撮贈孺人之大畧
如此貞女未及文前一半固與文士凡日土其

乾隆三年正月上元後十日江南乙卯科舉人

四揀選知縣年家眷姻弟藥禘昌頓首拜讓四

其子效以不合敬坐而激貞女出於寒微三士

卒之日異香噴前報歸于殿太驚人至誠感泣

許貞女傳

貞女許氏桐城人文童胡尙虞聘娶也生而淑
慎幼知大體四歲許字於胡胡故皖江舊族詩
禮不絕尙虞少有羸疾卧病數載未成婚而卒
氏時年方十九父母已喪聞訃一慟遂絕匕而
甦匕而復絕者數四誓以身殉兄嫂或勸之氏
曰死與守節孰難兄曰死易守節難耳氏乃奮
然曰果爾我爲其難者舅姑始悲之轉聞而壯

之遂迎歸氏撫柩慟絕如聞訃時狀慘動旁人
舅姑益震悼謂曰我兒無命爾何自苦乃爾氏
恐重傷舅姑意而私幸此志之得遂也含洎滯
酸易服守制雖未成婦而居然婦道矣尙虞兄
弟六人當析產凡所應得氏悉讓不受躬身紡
織徹寒暑機聲達戶外得甘旨以奉舅姑不以
夫故廢子道亦不以伯叔能養失婦禮焉居幾
年舅歿典釵珥襄贊大故遂同孀姑寢處晨昏

服侍得得持齋祝姑壽考十有餘年如一日終
以勞勩成疾慮一旦死無後因請於姑暨胡氏
族黨序立尙虞胞兄志虞次子爲嗣恩勤撫育
尤盡母儀雍正十二年邑之士民具狀有司

題請

旌獎越 年得請氏已卒前數日忽謂嗣子曰我當
不久人世昨夢中見二女童持轎召我未亡人
死亦何憾獨恨未及奉孀姑終天年暨爲汝完

家室耳一夕嘔血碗許精力頓疲十餘日而卒
卒之日神氣如生異香滿室人謂奇節純孝所
感云計自貞女歸胡之後歷年三十有三口不
見齒足不踰閩雖親子弟非有大事經年罕識
其面至其和妯娌待子姪恩禮益至卽古郝鍾
風範何以加之今者綽楔輝煌稱榮閭里當其
生固不能享一日生人之樂也其苦節貞操卽
與浮山皖水並垂不朽誰曰不宜貞女生於

皇清 康熙二十四年乙丑二月初九日卒於雍正十
三年乙卯又四月二十日享年五十有一子祚
履論曰易稱婦道從一而終禮夫死不嫁言夫
道蓋許若許字者無明訓焉聖人不欲以難能
者強人也然節義所在甯過無不及昔人論栢
舟詩謂世子之婦理無改適父母安得奪之其
言奪者正以伯夫道未成而姜之志確乎不可
易亶其難也實維我儀實維我特獨世子婦哉

若貞女者可以嗣厥徽矣

賜進士及第翰林院編修提督山西學政



沈文鎬頓首拜撰

春題人少然備德誠亦當盡無不其昔人命

能蓋指若指若皆無用順需聖人不將以銀

數結曰恩賜徽徽發一而餘雖夫不不教言夫

三年丁卯又四月三日奉奉正十歲六字

康熙五十四年五月二日奉奉正十歲六字

皇清旌表守節貞女許氏墓表

貞女者桐城故儒童胡尙虞之聘妻也尙虞爲
勅贈文林郎胡樞第三子夙櫻弱疾卧病踰數年卒

貞女年十九聞訃之日哀慟幾不欲生時貞女
父母俱亡顧問其兄曰死與守孰難兄曰死易
而守難耳後三日詣胡門哭奠訖誓死守節衣
縞茹素居斗室中足未嘗一越閭閻事翁姑以
孝接婦姒以和字子姪以慈蓋其天性之明於

大義者然也更讓其田廬於夫之兄弟躬自刻
苦勤紡績爲生計卒以成疾恐一旦大病而夫
終至無後於雍正十一年請立尙虞之胞兄監
生志虞次子祚履爲嗣一日忽謂嗣子曰我將
不久於人世矣未亡人死復何恨獨恨不得終


奉孀姑暨爲汝完室家耳是爲雍正十三年四
月二十九日次日嘔血碗許至又四月初七日
皇歲初更時異香滿室族閭爭來省咸奇之貞女一

息奄七至更盡乃甦繼此十餘日惟飲清水而
已卒之日異香如前呼嗣子於側端坐而逝貞
女生於康熙二十四年二月初九日寅時卒於
顯葬雍正十三年又四月二十日酉時享年五十有
一守節三十有三年未歿之前一年闔邑士民
上其事於有司至歿後一年今

天子詔旌其門抑又聞之尙虞之王母

馳贈孺人許氏卽貞女從祖姑也先貞女苦節垂四

殿閣十餘載以年逾三十格於例并述而饒諸石俾
天子知貞女之冰操其淵源蓋有自云



乾隆五年歲次庚申孟夏之吉

賜進士出身授翰林院編修充三禮館纂修官又克

武英殿經史館校對官前戊午鄉試浙江副考

官翰林院庶吉士涇上趙青藜拜撰

息寮沙至更蓋氏頓顛也未籍日遊煇水而

節孝胡母倪太孺人傳

太孺人姓倪氏乃福建縣令念祖公之孫女太
學生之罇公之少女也世有厚德以康熙四十
三年十有一月三日生太孺人幼秉淑姿言笑
不苟戚黨咸稱異之年未二十歸翁繼桓胡公
甫入門卽操箕箒執婦道事翁姑孝處妯娌和
相夫子敬繼桓公習舉業日夜攻苦政染沉疴
委頓牀榻太孺人侍湯藥躬扶掖篝燈達旦衣

不解帶者累日雍正三年公捐館太孺人飲泣
絕粒誓以身殉既念翁姑皆老嗣子未立勉收
血淚依匕庭幃孝養視昔年倍摯無何翁姑謝
世一切喪葬盡哀盡禮嘖匕稱道者至今弗衰
繼以姪自興爲嗣出入顧復晝菽丸熊所以愛
憐而教育之者無不至顧以積勞成疾竟於乾
隆四十六年壽終享壽七十有二族黨愛敬遠
邇欽崇以例請卹人

旌崇祀節孝祠嗚呼世人談節孝者每右寒族而
左世家予謂寒族之苦習慣自然若世家則易
甘而爲苦似較難焉觀太孺人之茹蘖飲冰事
親教子非其特出者乎吁可以傳矣

賜進士出身

誥授奉直大夫兵部武選司主事前翰林院庶吉士
加一級

眷嫺晚葉球拜撰

賦一錄

卷二 賦一錄



歸對奉直大夫吳濟危嚴同主事簡林劉斌吉出

顯嚴士出良

錄輝于非其赫出香平刊同以軒矣

甘而食苦以鍾據為購大無人之哉菓冷冰事

空如寒平階寒越之苦賢爵自然恭世寒國長

賦崇顯翰奉麻訓平廿人類翰奉眷每古寒越而

叔父迎宗月照兄裕和克成合序

蓋聞人生世上能報本返始尊祖敬宗則其人
之大畧可觀矣我先世自鄱來桐遂居白兔河
墳墓坵壠壘壘猶有先人之敝廬在焉惜者祠
宇未建故春露秋霜每望墓門而感泣蒸嘗禴
祠常對草壠而傷懷凡我族人每嘗以此爲嘆
乃迎叔月叔裕兄克兄等念切祠宇爲祖宗之
魂魄所共棲子孫之血食由上饗也竟於同治

癸酉春糾族謀議建祠斯舉概然以爲己責幸
舉族俱踴躍而不辭酌提金章公支下每丁
洋蚨三元遺德堂捐助青蚨肆百千有零玉契
公支下克成倡首共出青蚨肆百千整計費何
許立碑詳矣吾叔與兄始終其事罔敢畏難罔
敢告乏舉凡棘手之端以難以楮墨罄者誠以
事關重大非任怨任嫌曲意容忍未由慶厥成
功也閱兩載而工始告竣復於乙亥春進其神

主豎其匾額從此先靈無失祀之悲祖德有常
輝之象矣以此謂爲報本返始尊祖敬宗者稍
有讓焉否耶吁一時之美舉卽爲累世之洪規
茲者倡議續修宗譜當其譜牒告峻余因不禁
庸才而力爲贊之夫叔與兄性恬退不矜長不
炫能戚友能言之也至其隆孝養篤友恭皆分
內事耳余不復贊云是爲序

峕

光緒四年歲次戊寅仲春之吉

內事耳余不亦贊之哉

豫桐
浚源

同譔



故論如文並言之也至其對卷

畫卜而代為贊之夫殊與足掛

茲皆即類魁珍宗語當其語

有類焉否單刊一刊之美舉

戰之與矣以此贈為辭本或故

至望其圖錄與此求靈無失

故臣論

卷

計

崇德堂

吳孺人序

從來巾幗中稱堯舜者皆淑媛也

孺人吳公

應祥之長女族兄殿揚公之德配余雖家人居
各天方其實行烏能洞悉今也賢族姪開雲長
泰輩與余在館鑑修家譜間嘗翻閱人物引一
冊見夫歷朝忠孝廉節因舉孺人之懿德芳
規言於余曰吾從堂伯母吳孺人出自延陵望
族溯其子歸安定後鷄鳴盥漱祇見舅姑雖曰

其分也詎不足以見其孝行之萬一歟及其事
吾伯父也無非無儀甘苦共受從未聞有詬辭
聲其坤順之德固又有足取焉者不意如山如
河方期百年偕老而伯父年逾卅載竟爾夢斷
南柯斯時也亦既難返共伯之魂孰肯守其妻
之義又况夫也長逝二子年青乎乃雖孺人載
詠柏舟靡它矢志冰清玉潔三十餘年可謂節
矣中歷之歲紡燈績月茹苦嘗辛居然有克儉

遺風且其教子也以義方攜孫也則含飴接下
之慈宗族稱焉 孺人之實行侄等爲余詳哉
言之余不禁躍然曰賢哉 孺人雖鬚眉中之
人傑當不過是誠有光於吾族者也卽謂爲女
中之佼佼誰曰不宜爰卽其生平所行之有關
於倫教者不揣固陋染翰爲序列於譜端以揚
芳百世云爾

族末弟見賢拜撰

親翁諱學道號儒臣老大人暨德配朱老夫

人合傳

間嘗閱史乘及郡邑志諸書而見義士有傳節
婦有傳未嘗不掩卷而三歎也曰節義之不沒
於人心也固如是夫茲者胡氏續修家乘予因
之益有感焉憶當年予館於胡氏之里胡氏爲
勇兄弟輩與予交最深少弟翰從予遊最久間
嘗談論其父母之方規懿矩嘗曰爲富貴之父

母易爲貧賤之父母難吾父自力田逢年母自
灌園食力辛苦艱難固備嘗之矣吾父守介如
石母相敬如賓整肅雍睦又顯著之矣方期百
年偕老作鴻案之相莊孰知父年四十餘卽背
母而逝矣斯時也母氏劬勞更有甚焉矢志柏
舟礪節冰霜黃鵠歌兮孤雁吟也又四十餘年
矣外撫兄弟五人課讀課耕內撫子婦五人教
紡教績總之不離乎勤儉二字者近是予所聞

人卒年八十孫曾滿目皆翹秀不羣他日附鳳
攀龍立身通顯發濶德之幽光著徽音於國史
又何不可操券決哉茲因其榮修家乘不揣俚
陋僅附諸簡末或亦足以備他日之採擇未可
知也

簾下孫壻吳新才拜撰

惟國文力...

不深...

映世...

剛對...

又向...

攀請...

八卒...



岳祖母朱老孺人傳

事非由於艱辛困苦轉致乎安平順適其事非
人之所難其人亦不足以傳後而立箴誠若予
岳祖母朱老孺人視古之節烈賢淑載史策而
遺後世者蓋有無多讓焉岳祖翁去世孺人年
三十餘遺岳父昆玉五人皆幼弱固寒素家
也孺人飲冰茹蘖內外經理卒致小康而且婚
配嫁娶延師教讀五男莫不卓然植立爲一鄉

望如叔岳邦翁大人名雖未就而淹通博雅樹
幟文壇清潔之操尤爲士林所推許非孺人之
德性堅訓教嚴曷能成家裕後有如此至其篤
惠家庭周恤隣里生平之淑德懿行載諸口碑
者固有縷述之而不能盡者也嘗怪人有砥節
礪行而名不出閭巷以所憑藉者薄也使當孺
人之世子孫卽榮顯當路不將孺人之德行登
史策而遺令名也必不其然也亦烏可量哉孺

於令嗣者如是義如斯父當與夷齊並傳節如
斯母當與敬姜同書卽紀於史乘紀於郡邑志
夫何愧哉是爲傳

眷姻末邑庠生劉祿閣頓首拜撰

如和...
 文...
 德性堅...
 惠家...
 者固...
 夫...
 洪母...
 然...



胡母朱太孺人傳


古之彤管流芳栢舟誌美者皆必先有坤輿之
正氣而後堅貞之德溢於海隅此豈彝常之閨
秀所可同日語哉胡母朱老孺人賦性溫恭閨
箴素凜此固難以言罄也但孺人之獨超於衆
媛獨出於巾幗者謂其內則可法也謂其苦節
可貞也謂其教五男以義方得以使之成立也
謂其訓五媳以懿德能以令其無非也古所稱

以慈母而兼嚴父之道者舍孺人曷足語此且
邦翰學兄孺人之季子也方將舞勺使之就傅
於鷄窓亦旣成童復不讓名於虎榜雖曰學兄
之立志不凡又何莫非孺人畫荻和丸之報也
與况孺人壽逾八旬眼觀四代以視克享乎箕
疇之五福無愧於華封之三祝者固無多讓焉
今邦兄贊襄華乘告竣有期試將平日記憶與
鄉黨後先稱道弗衰者聊述之以誌不朽云

賢皆維

大清道光二十六年歲次丙午黃鐘月吉日

子倫因無名者也 媼晚方維城杏林氏拜撰



Faint bleed-through text from the reverse side of the page, including characters like '子倫因無名者也' and '媼晚方維城杏林氏拜撰'.

邦翰夫子贊

灑嶽效靈篤生斯文博通淹雅茹古含今木鐸

垂訓桃李盈門循循善誘鄉黨誰輕其貌肅匕

其躬温温倡修華乘仁孝畱名

與况孺人壽遠久仰風受教生方遠盛拜讓

時之五福無極於際野文翰如杏林丹桂題

大節豈光三寸六平蠹穴丙子齋驗

鄉黨皆歸稱道弗衰者聊述之以誌不朽云



賢弟邦翰序

士有以有名而名傳亦有以無名而名傳者胡
子翰固無名者也而亦不讓於有名以彼幼而
失帖母氏撫養不待哥兒督責固少年而老成
者也且幼而狗齊長而敦敏凡諸子百家過目
成誦從予遊者僅八年而學已大成凡鄉里有
識者甚器重之府縣屢試屢取但未見售亦厄
於數耳於是退而作館興家教授爲業凡鄉里

少知隻字者皆出其門下焉且其門人之入泮者亦復有人是不得於其身而亦得之於其徒也今者合族續修家乘其家人以翰爲贊襄豈不光於前而裕於後哉予今年已七十矣又館於其里故援筆而爲之序

于鍊固無吝香也而友生邑庠生劉祿閣撰

士育以育各而各勸亦育以無各而各勸香貼

贊襄張鍊亭

纂修胡氏家譜自序

天一也生生化化物數號萬焉祖一也子子孫
孫系麗不億焉物皆本天物或虧乎天之所畀
是謂褻天人皆本祖人或迷乎祖之攸始是謂
忘祖我胡氏封肇三恪系出重華按舊譜溯自
周陶正闕父公爲一世祖由周漢唐宋元明以
迄于今歷世七十有餘上下數千年本一分殊
絲聯珠貫犁匕秩匕倬乎爲章其間遞遷繼別

居各天方河之南山之東咸陽之鳳凰山新安
之清華街及渭橋坑口鄱陽胡村蔓延于池太
江淮吳楚閩浙莫不雲蒸霞蔚人文濟乚其由
徽而饒由饒遷婺源源女兒街者我祖萬二公也
越四世至玉一公金章公復徙桐西此又我祖
奠居之所由始也自是厥後居舒城者居潯山
者有人居來安者有人居陝西浙江者更復有
人焉按譜例有合祖之者有各祖之者有大宗

全帙有小宗支牒親而近則詳焉踈而遠則畧
此理與勢不得不然也今就吾皖始遷之祖詳
所自出遡一世以迄六十二世悉遵舊譜世系
臚之于前以便展觀而各派分遷亦備列焉以
俟會同各郡互相叅考其由六十二世始遷皖
桐之祖迄今七十餘世或桐或懷爲昭爲穆有
倫有脊可得而紀傳曰尊祖必敬宗敬宗必收
族又曰祖宗有善而弗知曰不明知而弗傳曰

不仁顧莫爲之前雖美弗彰莫爲之後雖盛弗
傳今考胡氏舊譜稱自唐以來秋浦唐溪九世
同居因五季兵亂始析烟有義二公作義門歌
詳著宗圖人持一冊使不忘世系其在宋朝有
宛陵派淳祐進士季虎公官新安太守會清華
宗族合修家譜以水木本源永不可忘有九華
派天聖五年進士元和公官工部修
勅譜十一冊散各族是皆仁人孝子之用心上以揚

祖烈下以弘祐啟故今日者滄桑屢變猶幸文
獻足徵微諸公彰傳盛美何以及此憶予方總
丕奉先府君教每爲予言桐西胡家灣與舒潛
諸房屢有合輯家乘之志而未逮今何幸乙巳
季秋中浣因友人盧子虎臣羅子伯生從蓉城
華嶺夔覩先世譜系源源本本確乎無疑有宋
相國呂公諱蒙正序有明相國葉公諱向高序
裔皇麟炳信而有徵余因賫詣桐鄉聚族賢於

胡家灣訂纂修宗譜之約曰果是同根雖側陋
弗棄苟非族類雖華胄弗扳一時族長德成君
求茂承元吉子文子任輩無不愛存懋著仁孝
同心而總理斂費者蘊有也鳩工督鑿者鼎甫
維石也叅閱互訂者子右菱又右嘉定厚旭升
諸賢也此誠祖宗之靈默啟默翼以成不朽之
美舉亦猶然同繼先人之志同述先人之事云
爾抑余所切切爲族賢望者吾家自九世祖季

煉顯符公仕齊志存討賊棄官之楚浮雲富貴眾濁

獨清十八世祖聖始公從

漢高皇帝入關破秦拜中郎將二十世祖計甯公

仕

漢景帝以車騎將軍請擊七國叛封安定郡王二十

五世文通公諱從吉佐安樂縣封二十三世祖

光武皇帝誅新莽封鎮國大將軍二十六世祖道明

公諱炤使西域有軍功永平七年封都元帥破

西戎大將軍三十世祖伯始公諱廣累官太傅

光復歷仕六朝多辟天下名士練達故事明解朝章

以定策立桓帝封育陽安樂鄉侯三十三世祖

冀景文德公諱質居官清恐人知封陽陵侯三十八

世祖儒林公官青州刺史

唐高宗朝封定遠侯四十七世祖曠公討巢寇有功

唐光啟中

勅賜金紫光祿大夫拜浙西節度使五十一世祖淡庵

高皇忠簡公懼和議誤國抗踈乞

高宗斬王倫

高皇秦檜孫近三人頭朱晦庵稱其諫書與日月爭

光自唐迨宋

朝廷屢旌胡氏孝義之門至於松江華亭派南唐進

士池州刺史諱則翰林孔目諱傑父子抗節死

義尤足扶萬古之綱常揚州派安定公諱瑗官

蘓湖外翰道隆師範立經義治事三齋德造譽

髦爲成均式

詔從祀魯公孔廟崇安派文定公諱安國作春秋傳

羽翼聖經入侍經筵單心啟沃謝良佐稱其如

大冬嚴雪百草萎死而松柏挺然獨秀亦奉

詔從祀魯公孔廟致堂公諱寅五峰公諱宏籍溪公

諱憲雙湖公諱一桂家學淵源蔚為國華明

興虹縣派諱大海從

高皇帝渡江為開國勲臣封越國公配享太廟又

有諱廷瑞者舉江西全省歸

高宗神王倫

高皇帝亦爲開國勲臣封豫章侯廬陵派諱廣賜

名靖者中建文庚辰狀元永樂朝官侍講學

士奉

詔撰編性理大全諸書行世庚辰同榜進士諱淡官

禮部尚書廉靜寡慾人皆知爲君子長者南昌

派諱儼永樂朝官侍講爲國子祭酒坑口派

諱富官戶部尚書諱宗憲官福建巡撫餘干派

淑心公諱居仁爲理學名臣鶡衣簞食謂以仁

義潤身以牙籤潤屋
萬歷朝

詔從祀
孔廟浙江派可泉公諱纘宗由翰林出

守安慶修郡志有典有則至今炳如日星而各

郡甲第徽猷未能殫述謹據可知者約畧稱之

豈非忠孝節義後先輝映道德文章香騰鬯因

吾族子若孫所宜世世繩其祖武是則是倣者

歟雖然予所憇也爲族賢望者更不止此也吾

高皇
儒立志取法乎上豈惟賢可希雖聖人亦可學

而至吾先世自虞思陳胡公以至於今子孫千
億簪纓蟬聯代著忠孝朝旌義門皆

大舜號旻順親齋慄克諧之遺澤也

大舜以孝德起耕稼陶漁而嗣堯禪禹十六字傳心
萬古爲昭我等皆重華之胤備恪之苗一本所
分而精神無弗通可不念祖聿修孳匕爲善思
所以紹精一惇孝悌篤忠貞無忝乎其爲

舜也哉凡我宗盟無褻天無忘祖其各增修厥德敦

敬虞

文佐

文思

文通



宗者

宗

宗

宗

宗

宗

宗



文

文

文

文

文

婦真

胡氏宗譜輯訓

程伊川曰譜之要在明一本而濬其源所以尊祖敬宗也究其派而清其流所以別親疎之遠近也辨穆昭等降之殊所以識尊卑之次第也隆吉凶慶唁之禮敦孝友睦婣任卹之行所以崇宗族之典禮也

歐陽文忠公曰族之爲言簇也尙夫序而有別姓之爲言生也本其所自生也氏之爲言是也

別其所自分也川流派別當知同源人代散殊
當知同祖非圖譜以紀則世系無証是以譜系
必不可無也

朱晦庵曰人家三代不修譜則爲大不孝矣

陸象山曰作譜須要明白知其祖某處分來某
處分去枝幹脉絡條理不紊方纔是譜刺之害
胡五峯曰甚矣譜牒之不可不作也譜牒作則
昭穆有序而踈遠不遺百世以下由是以知其

分殊而一本焉譜不作則喜不慶憂不弔至親
相視如途人矣

董深山曰吾聞之傳曰祖先有善而弗知曰不
明知而不傳曰不仁此譜之所由作也

石林公曰凡爲人後稍有知識者當以譜牒
心苟前乎此而譜不立吾不知其誰始固不能
無憾若後乎此而不修則無之罪也譜牒之作
詎容緩哉

一譜圖凡例

圖法歐陽氏上自高祖下至元孫以五世爲別者明五服之義也五世復提以至於提之無窮世系行竇合爲一圖以便披閱是歐蘇兼式之修法於所提五世之上書父於橫格處使知某支下所生先統宗以明其本之一後分支以明其派之殊直則父子相承橫則兄弟並列此作譜之綱領也

二譜例
谷書律實始與指公持之
世出佩壽

譜分宗支明嫡庶大宗百世不遷小宗有四繼
高繼曾繼祖繼禰五世則遷者也大宗子孫年
雖少亦紹正派而居前小宗子孫年雖長亦照
各房天然秩叙而次第列於後必一支世系既
終而復提一支起派庶乎彼此脉絡不紊若涉
歷年久踈遠莫試止註分派於遷祖之下使勿
迷失且支派繁衍不能悉載惟親則詳之踈則

畧之各詳所親各修家乘互相徵考可也其乏
嗣立後者必繼以本宗昭睦同派之子如親房
無可繼方擇旁支書名於所生父下註曰繼某
人列圖於所立父下若異姓來繼者書來紹示
不當紹也出繼異姓者書出紹示不當出也若
昭穆不順異姓淆宗並削不書也大宗子孫平
譜三譜記即敵與大宗百世不毀小宗齊四
列名之下各書事實做史記分註之法生則書

字號書年月死則書卒葬書山向男子有德善
備名書爲子姓之衿式女子有孝烈懿行書爲
閨門之模範若夫卒改嫁義於廟絕夫傳中不
書有子者於子傳中書母氏某以子不得絕母
也生女出適有榮膺封誥及特著貞烈者亦書
於父傳中足爲家乘光也若男子犯盜敗倫棄
賣祖塋罪惡彰著者削其名或爲隸卒僧道及
爲人義男併帷簿不修有玷風化者俱削其名

胡氏宗譜 卷一
或有過未彰傳內用一二字示貶姑諱之俾知
省懼悛改以砥修名行也

四譜法

譜法有四一曰睦屬族世人只及本宗而于母
妻女族不著非廣變而明有親也次日曰分同異
世有避嫌而更姓有避仇而變姓有慕榮貴而
冒姓慕恩誼而從姓姓氏不一本源淆矣是吾
族者雖微不棄非吾宗者富貴不攀所以明一

本之親而杜謬援之失也三曰避名諱國諱旣
不可犯宗諱亦不可同生年幼者宜以讓長生
者宜以讓死或更之或以音同字異者代之四
曰德孚內外者必詳奮身科甲者必詳世守四
民之業而勲勞一家者必詳其播遷他郡考求
無徵或蕩游無家行誼不飭者不得不畧之也

卷五譜難

譜之作也聯屬乎萬衆而秉筆於一人若甚易

也其勢有五難何也先渙散而今收合如物情
參差而難齊也此富貴而彼貧賤如勢利懸殊
而難合也行公正而遇邪險如薰蕕異器而難
投也懷小忿而昧大義如心志蠱惑而難平也
執已見而背公論如夢狂邪道而難明也作譜
者正乎此之爲難也不在萬衆服一人之難而
在一人服萬衆之難更不在一人服萬衆之難
而在作者之心合衆腹之公爲難耳倘不自反

求誠而徒謂五難之在人斯作之而成難矣

可六譜源

源深則流長本固則枝茂水木有然族之支派

何異哉世遠人蕃所賴以別世系迹行實序昭

穆紀墳墓支分派衍脉絡分明而不可亂者恃

有譜耳我家宗譜自周漢唐宋元明以來代有

哲人鳩宗修譜炳炳麟麟用光繼述邇者滄桑

遞變未鑄諸梓合志纂輯徵文考獻由皖桐而

溯饒之鄱陽由鄱陽而遞至桐西舒南濤北一

本萬殊犁七秩七自後子孫之賢達者嗣續修

訂雖傳億萬年異族不得而紊則克諧之澤備

恪之宗永無訛謬之失矣公即而不回顯春

命譜例七

馬籍一譜系八條

原生身以肇本始由封國以衍姓氏溯源

流以承發派正提始遷以明來由而會譜序以

束總要自立圖系以著本支分各支以別繁

衍凡開遷徙以防散失

祖宗生身之始也姓氏

皇王之封賜也源開而派別東西派遷而宗辨大小

非總會則無約束非續系則失本支是故譜序

二束總要也圖系著本支也世遠人繁大宗一而

小宗四分各支爲別繁衍也事迫時窮居無常

而遷有變開遷徙爲防散失也夫人生焉而有

所本始遷焉而無所散失斯繼往開來而譜作

矣

一二援據六條圖采等本支世世數人聚大宗而

先之以皇王之紀載次之以聖賢之經傳

皇王次以諸子之辨論次之以史綱之事蹟次

脈之以羣誌之搜採次之以野史之補遺

姓氏既肇支派蔓延歷代名諱官謚傳系分徙

出處恐有淆亂折諸聖賢有所取衷矣或是或

非諸子之辨論有不一稽史綱之事蹟斯不一
之中有至一者存而今而古羣誌之搜採未必
備參野史之補遺斯不備之際有備之者存夫
譜上焉取徵於氏族下焉取備於野史在朝在
野非援據乎

三人物十二條
忠孝盡臣子之分
節義明夫婦之倫
儒碩
繼道脉之正
鄉賢表風教之休
科第彰出

身之階
武功奮安攘之畧
荐辟據才德之
實
宦業考勲績之最
辭苑煥人文之賁
三
隱逸韜滯德之光
術藝見旁通之能
僊釋
徵超世之品

人生象矣所以扶天綱植人紀賴有忠臣孝子
節義鴻碩之士繼道統莫先於儒宗表風教莫
重於鄉賢或發身於科第或奮勇於安攘或薦
辟徵其才德或宦業懋其勲猷賁煥人文則有

辭苑韜光潛德則有隱逸藝術博綜僊釋希奇
正類而觀之品斯見矣

四實徵八條

誥勅膺寵命之榮
狀牒發委任之由
文傳贊
表生平之事
碑文記功蹟之大
祝頌見德
壽之高
別號標志趣之雅
狀誌定履歷之
素
祭軌盡生死之情
其
旌封褒贈光膺寵命者誥與勅也專司分職給發

委任者狀與牒也傳贊節概其生平而紀功蹟
之大有豐碑祝頌尊高其德壽而標誌趣之雅
有別號生人事蹟必蓋棺而定交情厚薄因死
生而見故履歷定於誌狀交情盡於祭輓人而
顯令聞於生前驗悲悼於身後有榮有哀始終
四之實徵矣

五著作六條

註述發經傳旨之趣
奏疏見忠蓋之懇忱

議論取聞見之折衷
序記紀建白之詳實
詩賦著心聲之博雅
東書通納交之情誼
經傳發明於註述
忠藎敷陳於奏踈
議論貴乎
折衷
序記
欲其詳實
心聲發於自得
薰陶惟成
於家學一著
一作皆化成乎
人文而家譜家規
惟取關於世教
否則文摛錦繡
何足多哉

六禮俗八條

宗制準國法爲義
祠祀由禮義定制
尊卑

以昭穆爲序 收族主親睦立本 禮節按時

序舉行 祭儀適豐儉立則 風化務身先作

倡 敦俗慎偷薄下趨

宗法必準國制祭義必遵先王子孫祠祀懼其

世遠相淆也以位辨者以羣分以情聯者以法

制祀禮祭儀懼其踈數不倫也冬祭時祀不至

于踈忌日薦新不嫌于數凡此莫非風俗也隨

分盡情以倡先後仁厚存心以敦風化上尊乎

祖下收乎族挽禮俗於仁厚正以延宗祊於永
久焉耳

七事產六條

幾省州縣定居方疆域之殊
祠宗書院作承

先啟後之法
牌扁坊額榮宅第旌封之恩

墳墓祀田顯先德世守之業
姓氏名地示奕

葉流澤之長
里社鄉塾端重本尊師之實

粵自吾家肇姓以來支分派衍子姓散徙幾省

州縣概居方之大也鄉隅村落萃居方之渙也
族屬既盛必有祠宇以妥祖宗神位子孫既繁
必有書院以啟後人繼述事神育才家之大事
舉以後賢奮發有才足以治者有德足以風者
皆皆皆皆朝廷之所賜第旌封者也而牌扁坊額於斯豎矣
先人漸化魂則上升於天魄則下降於地皆子
孫之所封樹祭拜者也而墳墓祀田於斯有矣

然居無常業無定者勢也以姓氏名地名鄉非
世澤流傳之長乎里有社鄉有塾者義也以閭
井立社立塾非重本養蒙之實乎凡此莫非恒
事也恒產也詳事產之實在正以慶祖宗之延
鴻焉耳

家規

人必積善循理惇行孝悌世篤忠貞而後可以
保家延祚若父兄之教不先子弟之率不謹雖

富且貴豈能久乎因節取古今格言大訓著爲
家規以爲子孫世世之炯鑒

祠堂

一家禮以祠堂爲先蓋有祠堂而後宗法譜法家
規與夫冠婚喪祭之禮行之有其地所以爲開
業傳世之本君子將營宮室先立祠堂于正寢
之東報本返始宗祖敬宗於是乎在宗子主之
族長家相與典事協而贊之春秋祭祀節文度

數以家禮爲式公置祭田若干畝宗子族長主
爲耕種收藏完納稅糧餘供祭用世世相傳不
一得分析典賣如有此等以不孝論罪

一祠堂合用器物皆當置備收貯封號毋使混失
如有盜其器用者以竊盜論罪

一祠堂內大書修譜牒謹祭祀守墳墓遵家規凡
十二字揭於東西兩壁

一祠堂內造二大牌一刻勸字一刻懲字仍設二

- 一 大簿一曰紀功將應賞之善逐款開載一曰紀過將應罰之惡逐款開載某人有功登記功簿仍書其功於勸字牌上某人有過登記過簿仍書其過於懲字牌上以示賞罰如書過兩次不改者族長公討治罪改過自新者卽去其帖
- 一 祠堂祭祀每年以冬至日爲期宗子族長令典事先期豫備詣祭所修飭之定執事書祝文宰牲滌器集諸合用之物宗子族長皆齋戒行事

務盡誠豐潔以致報本之意其各房應與祭日
者除出仕公務遠行及疾病外如托故不與祭
者卽以不孝論罪
一 祭畢家相將家規朗讀一遍長幼俱竦立而聽
毋得誼譁言他事相雜雜雜無算其婦婦五事不許
一 讀家規畢行賞罰事各房長開報本房子弟功
過付族長以便叅酌登記如過之小者則記之
以俟自新若事關大節卽炤記過簿所開條例

如律治罪如房長徇情不舉待別房房長發覺

本房房長共同認罪登臨敬嚴亦小春恩賜

一 祭畢行燕飲之禮尊卑長幼各居其位謹守禮

節歡然相親凡卑幼靜聽尊長議論正事不得

一 率意誼譁或某人適有何事欲言宗子族長以

一 公道言之是曰是非曰非或非一言可決則待

他日特爲處分不可於祭燕之日肆爲忿爭必

以尊祖敬宗爲重如有恃強恃衆罵詈鬪毆以

大不孝不敬論罪

明宗法

宗子有君道焉一家之所宗也宗其繼始祖者

百世不遷者也合族宗之是爲大宗宗其繼高

祖者五世則遷者也三從兄弟宗之宗其繼曾

祖者再從兄弟宗之宗其繼祖者堂兄弟宗之

宗父嫡長子親弟宗之皆爲小宗家有大事則

大宗命小宗小宗率羣子弟聽命焉必賢者而

後可任此責也宗子未必賢則公擇族中之賢者以贊理之是爲宗長若宗相匪其人另舉以代之尊始祖則敬大宗尊高曾祖禰則敬小宗惟尊祖故敬宗是敬宗乃尊祖之道也其說曾

百立宗長

青出合慈宗之長爲大宗宗其繼高

宗長乃相宗子者也須擇高年有德者爲之總治一族之事謹守家規以制其下專以至公無私爲本是非賞罰不可以親疎厚薄之故而枉

其實務使人心齊一風俗淳厚視一族如一身
可也綱常倫理之大冠婚喪祭之禮必擇有學
識有德行者爲家相以講明其道練習其儀使
宗子與族長曉然知而行之也族衆事繁必分
立一典事以爲族長之佐須擇端重公明強壯
能幹可以服重者爲之凡事關祖宗門戶及宗
族之利害者務要衆共商議各盡所見不可偏
執若見事有濟便欲專功見事勢方危便欲退

避則誤事害衆所宜深戒也

勸勵臣職

君臣之義萬古爲昭凡族有登科第列仕版者


務要鞠躬盡瘁取義成仁上不負天子下不負

所學若漢關西楊氏世稱清白吏子孫可也若

貪墨不法族長公懲戒之則其羞赫皆其誼對

供賦稅

曾天之下莫非王土凡有產業必有稅糧務要



依期辦納諺曰公稅完心便寬吾家子孫更不
可包攬外戶錢糧每見人家有等不肖子孫不
知法度將錢糧侵費以致破產敗家貽累族人
此宜切戒

盡子道

父子之恩本於天性人子事親生則多方奉養
承順親心雖極尊顯難報罔極若有力不竭於
心何忍父慈在乎善教子孝貴乎善箴親若有

過當下氣怡色柔聲以諫也若不從更須啟敬
啟孝悅則復諫諭親於道可也疾則侍榻迎醫
親嘗湯藥歿則致哀安厝著存不忘族中子弟
稍有忤逆其親者眾共戒之至於繼母未必賢
慈子能誠心孝敬視同生母尤懲孝道

篤友恭

兄弟一體而分若手足然試觀發祥之家未有
不起於雍睦者也人家兄弟不睦大約有二或

溺妻妾之私以言語相詬或較貨財之人以多寡相爭良可哀也當體父母之心不聽細人之謗輕財重義一氣同心二親既歿尤當緩急相顧乃興家造福之道

宜室家

夫爲婦之綱婦爲夫之助爲夫者當以正道自持和而且敬和則無怨敬則無侮若人驕悍牝鷄司晨惟家之索當嚴戒之若娶妾爲生子計

也有子不必娶妾若妻不容妾無子而妬其罪
在妻若寵妾凌妻其罪在夫當以失序論罰妾
者潑悍廢去可也夫之世餘夫皆當以五節自

端蒙養

人非上智未有不由教而善者凡小子能言教
之稱呼及作揖務從容和順教以誠實四五歲
教之謙恭遜讓以收其放心溫和安靜以消其
猛氣有不識長幼尊卑者必訶禁之七歲則入

小學讀孝經卽與訓解教以孝悌忠信使知禮
義廉恥教以灑掃應對進退教以詩詠忠孝詩
章稍長而聰明者出就外傳漸次讀四書五經
庶幾少成若天性習慣成自然然而作聖之功卽
在養正之初矣
敬師友
講明義理指引途轍師之功也過失相規德業
相勸友之益也端莊嚴正之師直諒多聞之友

卽當終身敬之親之不可怠慢每見人家有子
弟惰游驕縱與浮浪輩羣酣博奕嫖賭戲談至
於裁身累親雖悔何及豈非父兄不知隆師擇
友不能教以義方而致然歟吾族凡爲父兄者
必尊禮明師慎擇良友教訓子弟何患芝蘭玉
樹不森列庭階也

美定生理

居家以治生爲急民生在勤勤則不匱士農工

商皆生理也吾宗爲父兄者須量子弟材質各
治一業以爲俯仰之資不可縱其游惰如天資
聰明須專志讀書親賢友善以立身揚明顯親
榮祖此生理之上也次之爲農力田爲商貿易
或精醫卜或工手藝皆可供孝養致洗腆不可
爲僧道不可爲皂卒不可爲優伶此係玷辱祖
宗不許入祠堂

重喪祭

喪必盡禮以哀爲主凡衣衾棺槨稱家之有無
而具之必誠必信不使少有後悔不可信堪輿
風水說停柩不葬若久淹親柩暴露經年甚至
數十年不得歸窆此人子之罪也孝經曰擗踊
哭泣哀以送之卜其宅兆而安厝之春秋祭祀
以時思之故未葬讀喪禮旣葬讀祭禮

謹塋墓

塋墓乃祖宗體魄所藏子孫命脉攸關久葬之

塚子孫終歲不履其地或爲風雨傾塌或爲狐
鼠侵穴猶然不知今後祖塚頽廢者宜壘砌之
迷失者宜清理之加培封界蓄養樹木如有窺
伺祖塋希圖鑽穴盜葬及盜賣風水與人者卽
係逆子惡孫與亂賊同合族當共誅之倘有盜
砍丘木竹薪縱牲畜作踐者罰銀公用或異姓
侵犯祖塋界趾俱要協力鳴不公究治

序尊卑

尊卑有序則上下和不惟我之父母當敬也伯
父叔父從兄族兄亦莫不然不惟我之子弟當
愛也從弟從姪族姪亦莫不然隨行隅坐恭聽
慎應見必衣冠不敢露頂跣足遇必拱立不可
徑行過越若卑幼騎坐須下行禮俟尊長過方
得自便違者罰之此語性界蓄養樹木收許賦
鼠睦宗族然不賦令勞賦財賦氣香宜與師之
族衆雖有親疎以祚宗視之無親疎也幸叨祖

宗庇佑或温飽有餘或仕進食祿宜做范文正
義田例凡族中有苦志讀書安貧守分衣食不
給者或敦行孝謹婚嫁無資喪葬難舉者宜量
加調助勿使族內有饑寒流離失所之人庶乎
上慰祖宗之靈下衍無疆之慶
各別男女自十五以上者與奉食與到與與
男女者禮義風化之所關亂嗣姓氏之所係一
合無別家政壞矣通族子姓必須別嫌明微以

立閨門之大義昔季康子與年八十之從祖母
隔闕而語孔子謂其男女有別况齒與分相若
者乎子孫自十五以上者非奉尊長呼喚縱卑
幼不得擅入卧房僕從之人更加嚴謹必主公
有命方許立門外聽役僧道醫卜星巫無故不
許往來倘有疾病禳醫止許中堂行事手藝各
色之人皆然不許拜認他人爲父母姊妹自己
亦不許受人之拜認此皆有爲而爲甚於穿窬

也女子出門必須乘轎夜行以燭雖年少不得
露行雖年老不得入寺觀燒香出外看戲閨門
嚴肅清白傳家違者則罰其夫

重婚媼

婚姻者上承宗祀下啟後昆擇德爲上論年次
之論財則虜矣納不教之女必傲舅姑而輕其
夫覓失教之壻必倚勢豪而驕其妻今求婚覓
壻必擇素有教訓忠厚禮義之家可也婚禮有

六今省其半如納采問名納吉納幣俱以聘定
兼之親迎醮子醮女奠雁結褵等禮不可不行
新婦入門儀節俱炤合巹廟見等禮行之切不
可送房戲謔以致內外無別世俗好于襁褓童
幼輕許爲婚後或棄信負約今後男女必俟長
議婚此通族所宜知也

卹鄰親

隣里鄉黨及異姓親友皆以義相合尊者長者

當敬禮之卑者幼者宜汎愛之危迫急難量力
調助田地相近遜讓畔界借貸財物不得慳吝
節序期會不嫌菲薄盜賊水火協力救護有所
假借竭力償還不得以強凌弱不得以衆暴寡
不得以富吞貧而弱者貧者寡者亦不得嫉人
之有反生侵害孤弱之幼委曲扶持或有小事
相爭曲爲勸解和釋語言嫌隙不可介懷佃僕
兒童相犯各治之六畜相踐各收之此相勸相

勉共成仁厚之風

六裔

各

崇儉約

謙

謙

儉爲美德奢乃大惡末俗富貴之家奢侈相尙

平日累萬錢之費一饌耗經歲之糧不思漢文

露臺惜百金之費後宮無曳地之衣卒致海內

富庶何況士度安可不謹身節用今後凡衣服

飲食宮室納聘嫁女及壽筵裘祭待賓之類俱

以簡約相尙可也

皆宜

嚴強橫

長幼之序固屬定名然或自恃派尊不循義理
妄肆侵凌者廼爲強橫積至後生忿怨釀成同
室操戈若如此等名雖尊長實係敗類舉族之
人共踈遠

舊規附錄

譜有例家有規皆古昔先正所傳余惟敬述而
恪遵焉罔敢作聰明亂舊章也若我老二房舊

有家政時各有宜俗各有尚尤當世守勿替以
益進於恢弘謹錄其切要必行者於左

一 清明輪祭歷有舊次大率四年一週每股主祭
必以長幼爲先後此完彼接永爲定例

一 祭期因子姓蕃衍居址星渙股頭難以遍傳每
年確以清日爲期十日前主祭者赴戶長領公
堂銀酌備祭其祭儀俱遵家禮屆期長幼齊集
始祖墓所不得托故不到自甘忘本設遇水阻

一 主祭者另行知會

一 祭掃固尊祖敬宗亦藉以老幼幼幼務宜端肅
威儀整齊行列以作子孫之觀瞻

一 祭畢飲福所以尊祖所以睦族不同尋常燕會
惟量公費取用不得分外加隆以致後難爲繼
亦不得分內過奢以起族眾譏鄙

一 與祭日必有所議或上爲祖宗修理下爲子孫
訓戒不妨與族眾商之私事概不許啟齒如有

不遵家規恃強暴橫致干國紀者許戶象是

日公削其名不許入譜

一我族忠厚傳家咸皆慕義第薰蕕易淆安得不

嚴勸懲凡本戶尊卑不拘大小事故必先鳴戶

長併各房尊會集公所當事者披衷而吐羣尊

長秉公而斷將是非曲直立爲剖分毋得畏勢

避嫌徇私廢公以致抱屈赴控有傷一脉體面

一舉戶長須擇其醅行有幹畧者宗人悉以公事

拜託焉蓋肩一戶之任不可輕舉也所有一切

公費冊簿一交明歲終同股長清結不得朦

混欺眾

一各股擇其有才者立爲股頭以佐戶長相與維

持戶事

一山坂祭田租有定額每年戶長同股頭收貯先

計納糧若干外有餘租類放生息逐年結算以

備公費

古氏宗譜 卷一
一山坂祭田畝共計

畝錢糧理應照股公擡

一居喪近多私自成服殯葬槩謝宗人不獲聞弔

一夫君子不以天下儉其親此等薄亦甚矣自後

一居喪者先期報訃宗人臨弔止具五品席儀小

一飯卽蔬菜亦可則人子之厚其親宗人之弔其

一啣兩美矣違之則不孝

一無嗣立繼雖不得已之爲亦古今通例也必稟

命于房長方許爲繼卽日書譜曰某之子爲某

立後爲人繼者永不許叛盟歸所生父母有負
撫育及受財產恩義違者追財產入祠堂

一立繼必須本宗如親支無人卽疎支亦可不許
以家人假稱養子朦朧私立濁亂宗支

已上十三條皆不外前家規所載因係老二一房
舊訂之約最爲簡要易從故不憚諄復詳列云

安定胡氏二十世起派

家派

詩書傳代

禮義承先

仁慈福德

預續淵源

